



D. Ngalengkepan Karangan

Lengkepan karangan ieu di handap!

USUM HALODO

Bulan-bulan ieu teu aya hujan. Urang lembur réa nu ngarangluh, lantaran hésé cai. Balong loba nu saat, malah jadi

Sawah-sawah sarua gararing teu kacaian, da walungan Cikalang caina saat ngolétrak, mangkaning sawah di lembur kuring téh lega, upluk-aplak. Taneuh titincakan gé meni

Urang lembur kuring téh teu bogaeun sumur sorangan. Sok ngarala caina ka sumur umum nu aya di lebak, deukeut masjid jami. Éta gé kudu

Kabeneran di imah kuring mah boga sumur sorangan, jadi teu kudu hésé ngala cai kawas batur. Aya éta gé tatangga nu milu ngala cai ka sumur kuring. Ngalana aya kana émbér, jolang, malah aya ogé kana jarikén gedé. Kabeneran cai anu aya di sumur kuring mah

Ari di sumur umum mah lamun geus réa katimba téh sok robah jadi kiruh, da

Halodo masih kénéh entak-entakan. di langit tacan katémbong aya pihujaneun. Taneuh karasana beuki panas, da tatangkalan beuki ngurangan ti poé ka poé. Gunung-gunung garundul, pasir-pasir

Nu matak karasa ayeuna kaibatna. Mun halodo téréh pisan cai saraat. Tapi lamun datang usum hujan

tempat kaulinan barudak	bareulah
nimba	tara saat
da dialan wae caina	aripis da loba dituaran
	tereh banjir

É. Ngajén Sikep

Ku hidep béré ajén, lamun kagiatanana alus contréng (√), lamun goréng cakraan (X)!

1. Kudu dibiasakeun miara lingkungan. (.....)
2. Miceun runtah saeutik mah ka walungan teu nanaon. (.....)
3. Réngsé sasapu di kebon, runtahna ku kuring dipiceun ka jarian. (.....)
4. Runtah téh keur patani mah gedé pisan mangpaatna. (.....)
5. Sangkan teu banjir, urang kudu ngajaga lingkungan. (.....)
6. Kuring sok ngabantu ka jalma nu keuna ku bencana alam. (.....)
7. Kuring sok ngarasa karunya ka korban bencana alam téh. (.....)
8. Pamaréntah merhatikeun ka rahayat nu keuna ku bencana alam. (.....)
9. Teu meunang miceun runtah ka walungan, bisi caah. (.....)
10. Kuring sok ngarasa hariwang, lamun aya bencana alam. (.....)



Latihan Ulangan

I. Pilih jawaban nu benerna!

1. Lamun usum ngijih, cai walungan biasana
 - a. caah
 - b. saat
 - c. kotor
 - d. hérang
2. Lamun balong kacaahan, biasana laukna
 - a. dialaan
 - b. diantepkeun
 - c. kabawa palid
 - d. tetep di balong
3. Walungan caah téh lantaran tangkal kai di gunung
 - a. dituaran
 - b. digemukan
 - c. diantep
 - d. dicéboran
4. Warga anu lemburna kacaahan biasana sok
 - a. caricing
 - b. ngala lauk
 - c. ngarojay
 - d. ngungsi
5. "Langit téh ... siga rék sabreg-bregeun hujan."
Kecap anu merenah keur ngalengkepan titik-titik dina éta kalimah, nyaéta
 - a. cangra
 - b. angkeub
 - c. lénglang
 - d. poék
6. Lamun gunung bitu, biasana sok aya
 - a. samagaha
 - b. angin
 - c. urug
 - d. lini
7. *Usum ngijih* sarua hartina jeung
 - a. usum halodo
 - b. usum mamaréng
 - c. usum hujan
 - d. usum katiga
8. Hujan badag anu dibarengan ku angin ngagelebug, disebutna
 - a. hujan és
 - b. hujan angin
 - c. hujan ngagebrét
 - d. hujan ngaririncik
9. Lamun hujan ngiripis tur katojo ku panonpoé, sok muncul
 - a. guludug
 - b. gelap
 - c. katumbiri
 - d. kilat
10. Lamun panonpoé kahalangan ku bulan, di bumi bakal muncul
 - a. samagaha
 - b. lini
 - c. hujan
 - d. poék